

Akilerarusiinernik aalajangiisartut aalajangiinerat

Suliap ujarlerfissaa:	2010-2710-01
Ulloq aalajangiiffik:	27. oktober 2010
Aalajangiineq tamanut saqqummiunneqarpoq:	xx. Februar 2011
Ukioq akitsuusiineq:	2008
Sammissaq:	Akitsuusiineq
Sammissap suunera:	Eqqussineq, qamut mootorilik, nalinga malillugu akitsuusiineq, tunisat allagartaata nalinga, akunnermuliuttoq

Eqikkaaneq

Maalaarut qamutip mootorillip nalinga malillugu akitsuusiinerup naatsorneqarnera pillugu maalaarutaavoq, nunatsinnut eqqunneqarsimasoq ukioq 2008. Akitsuusiinermi oqartussat qamutip mootorillip pisiarineqarnerani aningaasartuutaasimasut akitsuusiinermi ilanngussimavaat, tassani isiginiarneqarsimanngilaat aningaasartuutaasimasut tunisisumiit imaluunniit akunnermiliuttumiit akilerneqarsimanersut.

Akilerarusiinernik aalajangiisartut akitsuusiisimaneq aalajangersarpaat.

Pissutsit piviusut

Maalaaruteqartoq oktober 2008 USA-miit Kalaallit Nunaannut qamutimik mootorilimmik eqqussivoq.

Eqqussinermi maalaaruteqartoq akileraarummik akiliivoq, akitsuullu naatsorsorneqarsimavoq maalaaruteqartup tunisinermi allagartaata malillugu, naatsorsorneqarsimallunilu kr. 71.595,27-inut, taannalu uppersarneqarsimavoq tunisisup tikisitsisullu isumaqatigiissutaat naapertorlugu, tassanilu ilanngunneqarsimavoq tikisitsisup akiliutigisimasai kr. 6.229,20 taaneqarsimallunilu "Disbursement US/CA", taannalu aningaasartuutaasimasut uppersarneqarsimapput Kalaallit Nunaannut umiarsiakkut assartuinermi atorneqarsimasut, fakturaliornikkut.

November 2008 tikisitsisoq maalaaruteqarpoq akitsuusinermik oqartussat tikisitai akiata naatsorsorneqarsimanera pillugu. Maalaaruteqartup assortorpaa aningaasartuutip "Disbursement US/CA" tikisitap naatsorneqarneranut ilanngunneqarsimammat.

Maalaaruteqartup nalunaarutigisimanngilaa, disbursement-imut akiliutaasimasut sumut akiliutaasimanersut, kisiannili umiarsuarmut ilaanissaanut allagartaata takutippaa, aningaasartuutasimasut qamutip mootorillip tikisinneqarnissaanut tunngassuteqartut, kisiannili umiarsuakkut umiarsualivik usilersorfimmiit Kalaallit Nunaannut assartornissaanut aningaasartuutaasimanatik.

Inatsisit piviusullu

Nioqqutissanik eqqussuinermi akitsuutit pillugit Inatsiartut inatsisaat nr. 19, 30. oktober 1992-imeersoq.

- § 1, imm. 1, nr. 21, litra a:
a) Inuit biilii: akitsuut aalajangersimasoq 50.000 koruuniusoq kiisalu fakturami akiata ilaata 50.000 koruuniniit annerusp, kisiannili 150.000 koruuninit annerunngutsup 100 pct.-ia, akiatalu sinnerata 125 pct.ia akilerneqassapput.

Nioqqutissanik eqqussuineq annisuinerlu pillugit Nanninersornerulltuik Oqartussat nalunaarutaat nr. 8, 21. marts 2000-imeersumut siunnsuutaat.

- § 1, imm. 2:
Oqimaassutsimik, angissutsimik aammalu nalinginik il.il aalajangiinermi maleruagassat danskit ilanngaaserisoqarfiannit maleruarneqartut taamatulli atuupput.
- § 20, imm. 1:
Nioqqutissamut akiligassap allagartaata annertussusia akiisuummik naatsorsuinermi tunngavigineqassappat, akiligassap akia naleqassutsimik, ilanngaatisat ilanngaatigereerlugit nioqqutissap akianik naleqassutsinik naatsorsuinermi tunngavigineqassaaq, piffissami nioqqutissap eqqunneqarfissaa sioqqullugu akilerneqarsimasoq, imaluunniit aki piffissami nioqqutissap eqqunneqarfiani akilerneqartussaagaluq. Tamatuma nassataraa mioqqutissamut akikillisaatitut ilanngaatip suulluunniit, imaluunniit akimik appartitsissut alla, naliliinermi ilanngaatigineqarsinnaaneri, nioqqutissamut akikillisaatitut ilanngaat akimut akilerneqarsimasumut akiligassamulluunniit naapertuuttuuppat. Piumasaqaataavoq akikillisaatitut ilanngaat nioqqutissanut nalilerneqartussanut tunngassuteqartuussasoq. Nioqqutissamut akikillisaatitut ilanngaatit kingumoortumik atortuusut ilanngaatigineqarsinnaanngillat.

Qumutit motorillit eqqunneqarnissaannut ilitsorsuumi 26. marts 2007-imeersumi imatut allassimasoqarpoq:

"Nioqqutissamut akiligassap allagartaa tassaavoq qamutip motorillip akitsuuserneqarnissaminut tunngavissaa. Nioqqutissamut akiligassap allagartaa imatut paasineqassaaq, tassa pisiap akia tamakkiisoq, qamutip motorillip tamakkiisumik akia, akilereersimasoq imaluunniit eqqunneqarnerani akiligassaq.

Eqqussinermi akitsuut naatsorsorneqarnerani soorlu akiligassap allagartaani ilanngunneqarsinnaapput:

- Qamutip motorillip pissarsiarinerani aningaasartuutit (tuniniarnerani aki)
- Qamutip motorillip pisiarinerani immikkut atortussaani pisinermi aningaasartuutit
- Qamutip motorillip pisiarinerani pitsannguutissanik iluarsaannerani aningaasartuutit
- Tuniniaasup iluanaarutai
- Qamutip motorillip umiarsuailivimmut aallarfissaani ingerlanneranut sillimmaserneranullu aningaasartuutit. Umiarsualivik aallarfissaq tassaavoq Kalaallit Nunaannut aallarfissaq.

- Aallarfassami umiarsualivimmi aningaasartuutit immikkut ittut, soorlu quersuarmi uninngatitsinermi aningaasartuutit il.il.”.

Ilitsersuummi suut akiligassap naatsorsornerani ilanngunneqassanersut tamakkiisuungillat, soorlu ilitsersuummi allassimasoqartoq: ”soorlu makku ilanngunneqarsinnaapput.”.

Akiligassap nalingata naatsorsorneqarnerani qamutip motorilimmut akiliutaasimasut tikisitsisup tunisisumut aammalu pisinermi akunnermuliuttumut tamakkiisumik pisiap tikinnissaata tungaanut akiliutigisimasai ilanngunneqarsinaapput.

Umiarsialivik usilersorfimmiit Kalaallit Nunaannut ingerlannissaanut aningaasartuutit akiligassap nalinganut ilanngunneqarsinnaangillaq.

Akilaraarusiinernik aalajangiisartut naliliinerat tunngavilersuutaalu

Akilaraarusiinernik aalajangiisartut isumaqarput tikisitsisup ”Disbursement US/CA”-mut akiliutigisimasai qamutip motorilimmut tunngassuteqartut, umiarsualivik usilersorfimmiit Kalaallit Nunaannut assartorneqarneranut tunngassuteqarnani. Naak ersernerlukkaluartoq akiutigisimasaq sumut akiliutaasimanersoq, akiligassamut qaffaatit atorneqarsinaangillaq.

Akilaraarusiinernik aalajangiisartut aalajangiinerat

Akilaraarusiinernik aalajangiisartut aalajangerpaat akitsuusiinermik oqartussat akitsuusiinanerat eqqortuusoq, taamaalilluni qamutimik motorilimmik pisinermi aningaasartuutaasimasut tamarmiusut akitsuusiinermut ilanngunneqartussanngorlugit.